

RREGULLAT DHE PROCEDURAT E KONKURSIT

“GJYQI SIMULUES I GJYKATËS EUROPIANE TË TË DREJTAVE TË NJERIUT - SHQIPËRI 2015”

PJESA I

DISPOZITA TË PËRGJITHSHME

Neni 1

Objekti i konkursit

Duke u nisur nga një rast fiktiv ku janë shkelur të drejtat e njeriut, lexoni me vëmendje rregullat dhe procedurat e mbështetura në Konventën Europiane për të Drejtat e Njeriut dhe procedurat e Gjykatës Europiane për të Drejtat e Njeriut.

Ekipet pjesëmarrëse në konkursin “Gjyqi Simulues të GJEDNJ - Shqipëri 2015” do të duhet të zbatojnë rregullat si më poshtë vijon, gjatë fazës me shkrim të konkursit, si edhe fazës gjysëm finale e finale në rast kualifikimi.

TITULLI I - ORGANIZIMI I KONKURSIT

Neni 2

Këshilli Shkencor

Në kuadër të cilësisë shkencore të të gjithë konkursit, Këshilli Shkencor ka funksionin të krijojë dhe redaktojë kazusin praktik, t'i përgjigjet pyetjeve të pjesëmarrësve, të krijojë panelin e gjyqtarëve, të kujdeset që renditja të jetë e saktë, si edhe të procedojë me kërkesat dhe kontestimet e pjesëmarrësve.

Neni 3

Gjuha e konkursit

Paraqitja e argumentave me shkrim, si edhe prezantimi verbal në fazat e tjera do të zhvillohen në gjuhën shqipe, gjuhë zyrtare e konkursit.

Neni 4

Vendi ku do të zhvillohet konkursi

Faza gjysëm finale dhe finale e konkursit do të zhvillohen në Tiranë pranë ambienteve të Gjykatës së Lartë të Republikës së Shqipërisë.

TITULLI II - PJESMARRJA NË KONKURS

Neni 5 Ekipet

1. Ekipet pjesëmarrëse do të përbëhen nga 6 persona, ku 5 prej tyre student konkurrues dhe 1 pjesëmarrës do të jetë lideri i ekipit. Lideri i ekipit do të ketë mundësi vetëm të instrukttojë dhe këshillojë studentët, pa patur mundësi të bëjë paraqitjen e argumentave.
2. Një universitet mund të përfaqësohet vetëm me një ekip.
3. Në konkurs, mund të marrin pjesë maksimumi 12 ekipe.

Neni 6 E drejta e pjesëmarrjes

Çdo ekip pjesëmarrës i nënshtrohet rregullave të vendosura nga Këshilli Këshilli Shkencor i konkursit.

Neni 7 Koordinimi logjistik

Organizatorët e konkursit “Gjyqi Simulues i GJEDNJ - Shqipëri 2015” do të kujdesen për transportin dhe akomodimin e pjesëmarrësve gjatë fazës gjysëm finale dhe finale të konkursit.

PJESA II RREGULLAT E

SJELLJES

Neni 8 Rregullat e konkursit

1. Konkursi do të përbëhet nga një fazë me shkrim dhe një fazë me gojë. Procedura e konkursit do të bazohet në procedurën e aplikuar nga Gjykata Europiane për të Drejtat e Njeriut.
2. Gjatë fazës së parë dhe të dytë secili ekip do të mbrojë interesat e kërkuesit dhe mbrojtësit.
3. Faza e parë e konkursit do të jetë faza me shkrim. Kjo fazë konsiston në përgatitjen nga secili ekip i argumentave me shkrim mbi kausin e dhënë, bazuar në këtë rregullore.

4. Faza e dytë i korrespondon takimit gjysëm final dhe finalen e konkursit. Në gjysëm finale do të kualifikohen 6 ekipet më të mira, të përzgjedhura nga Këshilli Këshilli Shkencor në bazë të kritereve të mirëpërcaktuara.
5. Këto 6 ekipe do të ndahen përsëri me short në 2 grupe nga 3 ekipe përfaqësuese secili (3 skuadra do të përfaqësojnë kërkuesin dhe 3 skuadra mbrojtjen).
6. Ekipi më i mirë i grupit “ankuesi” do të përballlet në finale me ekipin më të mirë të grupit “mbrojtësi”, bazuar kjo në pikët që do të grumbullojë secili ekip.

Neni 9 Shkrimi

1. Prezantimi i kazusit hipotetik përpara të gjithë ekipeve pjesëmarrëse do të hartohet dhe shkruhet nga Këshilli Shkencor.
2. Nuk do të lejohet ri-përdorja e të njëjtit rast praktik pa autorizimin e organizatorëve të konkursit “Gjyqi Simulues i GJEDNJ - Shqipëri 2015”.

Neni 10 Pyetjet

1. Ekipet pjesëmarrëse në konkurs mund t’i drejtohen Këshillit Shkencor për paqartësitë, që mund të ndeshin në paraqitjen e fakteve të rastit praktik. Pyetjet sqaruese do të dërgohen vetëm përmes postës elektronike, në një adresë të veçantë dedikuar konkursit.
2. Çdo ekip mund të bëjë maksimalisht deri në 5 pyetje mbi paraqitjen e fakteve. Në hartimin e pyetjes do të duhet të specifikohet numri i paragrafit, që është i paqartë në kazusin praktik dhe pyetja në lidhje me këtë paragraf.
3. Këshillit Shkencor i rezervohet e drejta të mos i përgjigjet pyetjeve, që nuk kanë lidhje të drejtëpërdrejt me paraqitjen e fakteve, pyetjeve të cilat mund të krijojnë hapësira për kundërshtime gjatë fazave të konkursit.
4. Përgjigjet e pyetjeve do t’i dërgohen ekipeve maksimumi 3 ditë pasi pyetja është dërguar.

Neni 11 Ankuesi dhe mbrojtësi

1. Pasi të ketë përfunduar procedura e përzgjedhjes së skuadrave pjesëmarrëse, Presidenti i Këshillit Shkencor do të procedojë me hedhjen e shortit për fazën gjysëm finale, që do të identifikojë se cilat skuadra do të përfaqësojnë ankuesin dhe cilat mbrojtësin gjatë konkursit.

Neni 12 Njoftimi

1. Shorti do të hidhet një natë përpara fazës gjysëm-finale.
2. Përcaktimi i palëve nuk do të jetë objekt i asnjë ndryshimi ose apelimi.

Neni 13 Përzgjedhja e pjesëmarrësve të gjysëm finaleve

1. Pasi Këshilli Këshilli Shkencor të bëj përzgjedhjen e 6 ekipeve që do të kalojnë në gjysëm finale, do të hidhet një short i dytë një natë përpara fazës gjysëm-finale për të përcaktuar se cilët ekipe do të përfaqësojnë aplikantin ankuesin dhe cilët mbrojtësin.
2. Është rreptësisht e ndaluar, që skuadrat e tjera gjysëm-finaliste të jenë prezente në sallë gjatë zhvillimit të një raundi përballjeje mes dy skuadrave.

Neni 14 Dërgimi i argumentave me shkrim

Argumentat me shkrim do të dërgohen brenda datës së përcaktuar në adresën e e-mailit të konkursit, si edhe me postë në adresën: Qendra Europiane, Rr. “V. Pasha”, P. 20/57, Tiranë-Shqipëri.

Neni 15 Finalistët

1. Në përfundim të fazës gjysëm finale Këshilli Shkencor do të përzgjedhë dy ekipet më të mira, respektivisht një që do të përfaqësojë kërkuesin dhe një që do të përfaqësojë mbrojtësin.
2. Dy ekipet e përzgjedhura në bazë të pikëve të fituara gjatë gjysëm finales do të përballen me njëri-tjetrin në finale.

PJESA III

PËRMBAJTJAE PËRMBLEDHJEVE ME SHKRIM

TITULLI 1 - PËRMBLEDHJET

Neni 16

Redaktimi i përmbledhjeve

1. Secili ekip duhet të paraqesë argumentat me shkrim për palën të cilën përfaqëson brenda afatit të caktuar nga Këshilli Shkencor i konkursit.
2. Çdo dosje duhet të jetë e formatuar sipas kriterëve të parashikuara nga kjo rregullore.
3. Secila përmbledhje duhet të përbëhet ekskluzivisht nga tre pjesë:
 - a) Tabelën e përmbajtjes;
 - b) Tekstin ku do të paraqiten argumentat;
 - c) Aneksin bibliografik, i cili do të tregojë dokumentat, që janë përdorur në përgatitjen e materialeve.

Neni 17

Formati

1. Teksti kryesor i përmbledhjes nuk duhet të kalojë 20 faqe (1800 karaktere/faqe, shkrim 12 Times New Roman përfshi dhe hapësirat). Gjatësia e tekstit për përmbledhjen nuk do të kalojë 36.000 karakteret, përfshirë këtu dhe hapësirat.
2. Teksti duhet të përfshijë përmbledhjen e fakteve të çështjes, argumentat dhe referencat. Jashtë këtyre kufizimeve janë tabelat e përmbajtjes, bibliografia dhe pasqyra e përmbajtjes.
3. Referencat duhet të vendosen në fund të çdo faqeje. Një pyetje ose një argument, që nuk është parashtruar në tekstin kryesor të përmbledhjes, nuk do të lejohet të shtohet në pjesë të tjera të përmbledhjes. Referencat në fund të tekstit kanë të bëjnë me referimin e e burimeve ligjore të autoriteteve.
4. Teksti kryesor i përmbledhjes duhet të ketë hapësirën 1.5. Referencat dhe titujt mund të kenë një ndarje me hapësirë 1. Pjesët e tjera të përmbledhjes duhet të shkruhen me hapësirën 1.
5. Marxhinat poshtë dhe lart duhet të jenë 3 cm dhe marxhinat e faqes majtas/djathtas duhet të jenë 2 cm.
6. Në rast mos zbatimi të këtyre rregullave teknike do të ketë penalitete në uljen e pikëve.

Neni 18 Korrigjimet

Skadrat nuk mund të rishikojnë, ndryshojnë, shtojnë ose heqin nga përmbledhja e tyre me shkrim, pasi është bërë dorëzimi i materialit.

Neni 19 Afati

Dosja e secilit ekip duhet të dërgohet në formatin “.doc” në adresën e përcaktuar nga organizatorët e ekipit brenda datës **10 dhjetor 2015 ora 23:59 (CET)**. Një kopje e dosjes duhet të dërgohet në një zarf të mbyllur me postë në adresën: QENDRA EUROPIANE Rr. “Vaso Pasha”, P. 20/57, Tiranë. Zarfë duhet të mbajë vulën postare të datës **11 dhjetor 2014 ose më të hershme**.

Neni 20 Vlerësimi

Përmbledhjet vlerësohen nga Këshilli Shkencor i konkursit. Pikët variojnë nga një kufi minimal prej 10 deri në kufirin maksimal prej 100 pikësh, të ndarë 90 pikë përmbajtja dhe 10 forma.

Faktorët që do të merren në konsideratë për dhënien e pikëve, mes të tjerash janë si më poshtë vijon:

- Dispozita;
- Njohuritë lidhur me analizën, thellimin, efektivitetin, aftësinë për të bindur dhe logjika;
- Argumentet ligjore;
- Pikëpamjet e ndryshme;
- Etika;
- Forma.

Në rastet kur do të paraqitet një kërkesë me shkrim nga një ekip pjesëmarrës relevanca dhe argumentimi i pikëve do të merret në konsideratë.

TITULLI 2 - RAUNDET VERBALE

Neni 21 Organizimi

1. Raundet verbale përfshijnë raundet gjysëm finale dhe finalen.

2. Këshilli Shkencor në bashkëpunim me organizatorët e konkursit do të vendosin kohën dhe vendin për raundin gjysëm final dhe final.

Neni 22 Procedura

1. Tre përfaqësues të çdo ekipi mund të paraqesin argumentat verbalisht në kuadër të palës që përfaqësojnë, caktuar nga shorti i hedhur nga Këshilli Shkencor.
2. Secila skuadër në fund të raundit verbal do t'i dorëzojë sekretares së seancës parashtrimet e paraqitura në formë të shkruar.
3. Gjatë çdo raundi një Lideri i skuadrës nuk mund të ulet në tryezën e palës, pa qenë u përfshirë në mbrojtjen me gojë si folës. Detyra liderit është mbajtja e shënimeve mbi atë çka parashtron pala kundërshtarë. Gjatë zhvillimit të raundit të parë Lideri nuk lejohet të ketë kontakt me persona të tjerë, përveç atyre të skuadrës ose panelit të gjyqtarëve.
4. Raundet verbale do të hapen me parashtrimet që i referohen fakteve të çështjes së ankuesit dhe më pas parashtron argumentet pala mbrojtëse. Koha limit e lejuar për secilën palë është 20 minuta.
5. Koha e përcaktuar për çdo ekip përfshin kohën për përgjigjet dhe prapësimet. Askush nuk mund të kalojë minutazhin, që është përcaktuar për çdo raund.
6. Gjyqtarët e panelit kanë të drejtë të bëjnë pyetje dhe të kërkojnë sqarime përfaqësuesve të ekipeve në çdo kohë. Pyetjet dhe përgjigjet do të llogariten brenda minutazhit të përcaktuar për secilin ekip.
7. Minutazhi do të kronometrohet nga asistenti i sekretarit të seancës , i cili do të ulet pranë panelit të gjyqtarëve.

Neni 23 Koha shtesë

1. Paneli i gjyqtarëve mund t'u lejojë ekipeve kohë shtesë për të përmbyllur argumentet e tyre.
2. Skuadra duhet të paraqesë kërkesën për kohë shtesë para panelit të gjyqtarëve.

Neni 24 Regjistrimi i kohës

Asistenti i sekretarit ka përgjegjësinë për mbajtjen e minutazhit. Ai tregon kur kanë mbetur 10, 5 dhe 2 minuta nga koha e lejuar për çdo ekip dhe kur koha ka përfunduar.

Neni 25 Paneli i gjyqtarëve

1. Gjyqtarët e panelit caktohen nga Këshilli Shkencor.
2. Gjyqtarët nuk mund të jenë persona të cilët kanë shoqëruar skuadrat ose i kanë ndihmuar ata në përgatitje.
3. Emrat e gjyqtarëve do të mbahen në diskrecion absolut.

TITULLI 3 - DOKUMENTET DHE KONSULTIMET

Neni 26

Dokumentat dhe informacionet konfidenciale

Argumentet e paraqitura nga çdo ekip gjatë parashtrimeve me shkrim si dhe atyre verbale nuk duhet të kenë lidhje me çështje, të cilat janë ende pezull pranë Gjykatës Europiane për të Drejtat e Njeriut. Të tilla do të konsiderohen informacione, që kanë karakteristikat e parashikuara në Protokollin 11 të Konventës Europiane.

Neni 27

Konsultimet

Ndalohet në mënyrë kategorike konsultimi me gjyqtarë të GJEDNJ-së, Këshillit të Europës, si edhe anëtarë të Këshillit Shkencor të këtij konkursi.

PJESA IV

VLERËSIMI

Neni 28

Vlerësimi

1. Për fazën e argumentave me shkrim sikurse dhe për fazat verbale çdo gjyqtar ka mundësi t'i japë maksimalisht 100 pikë skuadrave pjesëmarrëse. Rezultati final i pikëve për secilën skuadër do të jetë mesatarja e shumës së pikëve të të gjithë gjyqtarëve.
2. Në rast se dy skuadra dalin me rezultat të barabartë pikësh argumentet me shkrim janë ato që vendosin se cila do të jetë skuadra fituese.
3. Në fazën e argumentave me shkrim 50 (pesëdhjetë) pikë do të jenë për argumentimin, 25 (njëzetë e pesë) pikë për mënyrën e referimit, 15 (dhjetë) pikë respektimi i formatit të përcaktuar nga kjo rregullore dhe 10 (pesëmbëdhjetë) pikë për dorëzimin e dosjes në afatin e përcaktuar.
4. Për ekipet e kualifikuara në gjysëm-finale dhe në raundin final 50 (pesëdhjetë) pikë do të jenë për argumentimin, 25 (njëzetë e pesë) pikë për elokuencën, 10 (dhjetë) pikë respektimi i kohës dhe 15 (pesëmbëdhjetë) pikë për respektimin e etikës gjatë procesit gjyqësor.

PJESA V

ÇMIMI

Neni 33 Çmimi për ekipin fitues

1. Ekipi fitues në konkursin kombëtar “Gjyqi Simulues GJEDNJ - Shqipëri 2015” do të ketë të drejtë të marrë pjesë në konkursin rajonal “Moot Court Competition” të organizuar nga Civil Rights Defenders në një vend të rajonit. Moot Court Competition per vitin 2015 do të mbahet në Budva, në Mal të Zi.
2. Ekipi fitues i konkursit rajonal do të ndeshet me ekipit fitues të gjyqit simulues të vendeve nordike (Nordic Moot Court), i cili zhvillohet në Strasbourg, Francë pranë GJEDNJ-së. Gjuha e këtij konkursi do të jetë anglishtja.
3. Ekipit fitues do të marrin çmime simbolike dhe të gjithë studentët që marrin pjesë në gjysmë-finale do të marrin certifikata pjesëmarrjeje.

PJESA VI DISPOZITA

KALIMTARE

Neni 34 Kortezia

1. Pjesmarrësit në konkurs janë të detyruar të zbatojnë etikën e komunikimit në lidhje me panelin e gjyqtarëve, me përfaqësuesit e ekipit kundërshtar, me Këshillin Shkencor, si edhe me organizatorët e konkursit.
2. Pjesmarrësit në konkurs janë të detyruar t'i drejtohen panelit të gjyqtarëve me shprehjen “*të nderuar gjyqtarë europian*”, si edhe të bëjnë paraqitjen e argumentave të tyre duke qëndruar në këmbë.
3. Gjatë konkursit pjesmarrësit duhet të respektojnë kodin serjoz të veshjes.

Neni 35 Sanksionet

Shkelja e kësaj rregulloreje do të jetë objekt sanksioni në proporcion me shkeljen e kryer. Vendimet e këtyre sanksioneve do të merren nga Këshilli Shkencor.

Neni 36 Hyrja në fuqi

Kjo rregullore hyn në fuqi menjëherë me nisjen e konkursit “Gjyqi Simulues GJEDNJ - Shqipëri 2015”.